

建置志

遵化通志卷十八

壇廟

案州縣各志多列壇壝而於廟祠每無區別茲仍首
著各壇而廟爲祀典所屬特序其次其未列祀典雖
同一廟制廟名或係名利勝境概入寺觀列爲古蹟
於誠敬之中亦示區別云

社稷壇在州西北二里

俗稱北壇居其側者因以爲村名又訛爲北台

建年無考壇

北向方二丈五尺高三尺四寸出陛各三級繚以短垣樹以

門屏齋房牲所畢具明萬厯四十六年知縣張杰繕修

國朝康熙十一年知縣林允文重修後門垣齋房牲所俱廢

光緒十三年知州陳以培修復壇制每歲春秋仲月上戊日

設主致祭

RW7459/1

神祇壇在州南關外稍西

俗稱南壇居其側者亦以爲村名又訛爲南台

建年無考

壇南向高二尺五寸闊二丈五尺週圍十一丈四尺出陛午

五級子卯酉各三級壇址瀕水基湮廢明萬厯四十六年知

縣張杰繕修

國朝康熙十一年知縣林允文重修後陞級復廢光緒十三

年知州陳以培修復壇制每歲春秋仲月上戊日設主致祭

風雲雷雨暨本州山川城隍之神

先農壇在州東郭外里許壇南向高二尺一寸寬二丈五寸

壇後正殿三間供奉先農神牌左右配房各一間爲神倉及

神廚庫前爲藉田四畝九分週圍爲牆大門一楹雍正三年

知州薛天培奉

勅建後倉庫並廢廟亦傾圯同治十二年知州何崧泰募民

重修殿廡門垣皆壯於後并於壇側植樹百餘株光緒十二年知州陳以培修復壇制後殿中間平時供奉神牌改左右各一間爲神倉厨庫每歲仲春亥日致祭仍奉神牌安於壇所舉藉田禮

厲壇在州北里許地藏庵前壇南向高二尺五寸闊二丈五尺南出陛三級立門額週以牆垣後門垣并廢光緒十年知州王啟俊募建城隍行祠於壇東北隅十三年知州陳以培修復壇制每歲清明孟秋望孟冬朔先期牒請本州城隍之神至日設主致祭並設本州無祀鬼神木主祀於壇下祭畢奉神牌安行祠中

案州俗每逢祭厲壇之期吏胥恭昇城隍神像供奉壇所午出亥入鼓樂前導鹵簿甚盛謂之出巡遇

雪雨則奉神祀行祠中以致虔謹亦神道設教所
不可廢者惟壇而不屋朝章儒訓皆宜詳慎講求
庶冀無乖初制云

關帝廟在州判署西北

據劉志

本巡撫署射圃地建年無考明

萬厯二十八年巡撫李頤重修

重修碑記署內西北射圃故有漢壽亭侯祠故湫隘歲久

益壞余下車惕焉亟欲新之鎮薊大將軍尤公繼先過我相與謁祠大將軍曰薊被邊高枕且十年矣年年祈禱輒應凡若此為撫軍之無私乃神亦相之時平而廟貌闕焉非所以彰報稱肅承祀也遂慨然以它具為己任不閱月具完於是鳩工興事經始於二十八年之五月竣於十月臺圃內而構之一堂二間接堂楹而軒數武臺上綵以平垣闕其前而妨外屏馳道采丹牂御文砥始翕然稱崇麗矣夫神聰明正直依人者也余行矣代者秦中劉公四科忠義天植與神合德其佑其報必且什百不佞然則聖明之祚無疆斯豈弟之勞不數分守萬年廟貌真與天壤俱矣江右李頤謹撰

國朝雍正六年知州薛天培奉

敕建

啟聖祠於後殿每歲春秋仲月卜吉日暨五月十三日致祭

道光十七年州牧白明義王錦雯倡捐重修州判冀洪捐署

西地數畝爲僧舍重修碑記志載州城故有關帝廟四州判署之西偏其一也官僚期望展謁及舉三

大祀咸於是乎在乙酉夏明義來刺是州入廟瞻拜見殿三

楹卑小而斜傾丹堊無存門廡摧敗甚非所以重明禋而肅

觀瞻也明義每於公餘之暇輒從而相度第以百餘年廢壞

之區重謀而鼎新之雖因也而實創焉明義捐廉爲倡閭屬

官紳商民聞者莫不歡欣踴躍乃事甫舉而明義適移官常

山嗣以王兩農代州篆兩農明義同年友也與明義大有同

志爰將始末爲兩農告兩農極口稱善堅力承任隨擇吉其

工復得州判冀石卿於捐俸外並捐署西隙地增其式廓焉

若啟聖殿若大殿若抱廈若夾室若兩廡列楹數十若

大門華表若僧舍若積厨燦然具備而巍巍崇煥體制恢宏

矣王辰春雨農擢平陽而明義復牧此土兩農爲言曰是役

也僕承君囑當無異所手創也茲已十就入九其告成功焉

由是闕者補之樸者華之並增植松柏槐榆益滋壯麗蓋計

明義與兩農前後勸捐共得銀二千五百零九兩制錢四千

三百三十四緡復籌經費制錢五百五十千文存商生息以

膳僧人廟中庶周備無減焉夫豈非神靈默佑以明義謀其

始者必欲以明義圖厥終耶繼自今入廟告虔俎豆不祧之

盛於萬斯年永久無極豈不懿歟謹薰沐而記其巔末瀋陽

白明義 謹撰 咸豐八年頒萬世人極額光緒十年知州王啟俊率

士民捐修十三年知州陳以培重修 啟聖祠

文昌廟在州城北水關西建年無考

國朝雍正二年官紳捐集誕辰公祭息款

合譽撰 關帝 文昌誕辰公祭息款碑記周制五禮而吉

禮居其首以大宗伯重邦國之鬼神祇郊特牲云聖人之制

祭祀也德施於民則祀之以死勤事則祀之日月五星民所瞻仰

之能禦大災則祀之能捍大患則祀之此族也不在祀典若

也山林川谷丘陵民所取財用也非此族也不在祀典若

乎祭祀之禮為治民事神者所當勤修而不敢以職居分佐

於乙未歲履任北平迄今十載凡預享祀不敢以職居分佐

稍減誠敬而關帝 文昌兩祠密邇判治仰瞻廟貌猶存

金碧之輝時際 關帝 文昌兩祠密邇判治仰瞻廟貌猶存

祿命之權 壯繆以忠義立人臣之極歷代以來載在祀典

凡有血氣者莫不尊親遵化 兩祠之祭缺焉不講不幾為

有識者所議而重守土者之責歟比歲以來每逢 聖降捐

俸致忱敢日邀福於一身實欲迓庶於此土惟慮聞 曹力綿

難繼願呼將伯共策良謨所幸諸君子具有一同志共相懇

躍爭先共得捐銀六十兩議置公所董以老成歲計取息三

分可得一十八兩凡遇二帝誕辰為獻牲秦樂之用禮云

祭不欲數數則煩煩則不敬祭不欲疏疏則怠怠則怠今兩

祠每歲一舉不數不煩適當乎禮惟願諸君子慎始圖終擴

充遠大俾繚垣日固懷楮常新余得藉善後之謀以附名於

不朽幸甚幸甚凡我同志共嘉慶十六年知州張家本倡捐

列貞珉公議禁條碑陰具載

重修碑記云伏維帝君發藻儒林獨推孝友掌魁名於天

時宜加意豈可任其荒陋之不治乎至於祀事孔明享禮不

武姑勿具論若垣廡之歆頤亟宜繕葺風雨之浸淫弗使罅

漏此固廟貌之光亦司化者所宜留意也遵郡北隅舊有大

殿三楹東西配殿年久傾圮前刺史甌亭李公首倡斯舉分

俸鳩工閤屬官吏及士民舖商亦莫不踴躍金樂助未及告成

光緒二年知州何崧泰六年知州惲桂孫相繼重修

地也己

桂孫撰重修碑記略考史記天官書斗魁戴匡六星曰文昌

宮一曰上將二曰次將三曰貴相四曰司命五曰司中六曰

司祿此文昌之名所自始遵化帝君廟在城西北隅己卯

冬余權牧是邦下車瞻謁則棟宇摧欹丹碧剝蝕惟照壁端

正寬厚乃前刺史鳳陽何公建試院時所修拓者何公未及
觀成遷觀察去省垣會晤每道款衷余敢不以捐葺為已任
竊惟儒者生逢盛世所以興廟祀而為我民福者至深且
厚設令聽其傾圮弗加修飾深懼莫副朝廷詔升中祀至
意更慮莫慰觀察不忘舊治盛舉也因檢舊簿分任官紳募
貲庀材授工集事於是高門重繚四窗入闥削履綿蔑金髹
曜雜越兩月而工成向之摧欹者今則磊砢相扶矣向之剝
蝕者今則陸離相望矣余既喜工成之速復慮都人士蹈
德詠仁而從善之如流也將卜人文蔚起炳炳麟麟出為
國家特達之選則是守斯土之望亦都人士之幸仍願無
忘何觀察之培植
士林不少也故書

州城隍廟在州治西北舊縣城隍廟明洪武二年封縣城隍

為顯佑伯永樂二年主簿郭勝祖建碑制曰帝王受命仁政

受命之符寰宇示不言之妙而人見聞所及者也神司叙隱
為天降祥亦必受天之命所謂明有禮樂幽有鬼神天理人
心其致一也朕君四方雖明智弗類代天理物之道實罄於
衷思應天命此神所鑒而簡在帝心者君道之大惟典神天
有其舉之承事惟謹遵化縣城隍聰明正直聖不可知固有
超於高城深池之表者世之崇神者則然神受於天者蓋不
可知也茲以臨御之初與天下更始凡城隍之神皆新其命
倦此縣邑靈祇所司宜封曰鑒察司民城隍顯佑伯顯則威

靈丕著祐則福澤溥施此固神之德而亦天之命也司於我
民鑒於邑政享茲典祀悠久無疆主者施行 案制在廟碑

明戶部左侍郎萬歷四十三年住持王常竹募修
進士楊鼎撰記

國朝康熙十五年陞縣為州乾隆八年陞州為直隸州

敕晉州城隍廟祀仍舊三十八年知州李蔭椿倡捐重修

撰碑先王既成民而更致力於神故我 國朝郡邑之中制
有典禮每歲春秋仲月戊祭山川社稷風雲雷雨而外惟

城隍神并列壇壝夫神之爵尊侯伯職司保障雖神道設教
之微權然福善禍淫天之道即神之道也是以祀典為獨崇

遵治西北神廟在焉溯自前明洪武初郭主簿勝祖所建泊
萬厯丙辰住持王常竹募修之閱百數十稔世遠年湮日就

傾圯余朔望行香謂繕葺不可緩也又慮土木丹雘之工非
咄嗟所能辦爰倡捐廉俸而州之紳士商民胥相與樂助焉

計釀金四百七十兩有奇乃屬朱少尹炳董厥役工始於閏
三月十有五日踰月而遂落成工竣筮吉入廟告虔見夫丹

楹煥彩非復昔日之苔覆垣墉也法像莊嚴非復昔日之塵
封戶牖也且作善降之百祥不善降之百殃東西拱向森然

在望非復昔日之彫殘剝落黤澹無華也聲靈赫濯實式憑之
民和而神錫以福殆於斯卜之矣矧余來守是邦也三年雨

暘時若三農屢獲豐登荏苒蒲風清四境共安耕鑿神之護國
佑民厯有明徵能勿體 聖天子崇祀至意聿新其廟貌哉

今日者黎民又安因咸知仰答神庥施金庀木自茲以往睹彰輝之規條尤將觸目驚心庶幾日遷善而不知為之者斯亦守土者并受其福

也是曷可以不記

嘉慶十年知州李景梅隆起張家木相

繼倡捐重修張家木撰碑記夫牧宰職明城隍職幽為民興神以人靈幽以明顯凡夫志切民瘼身膺民社者日鯁鯁焉間閭之疾苦是務蒸黎之樂利是圖亦必邀福於城隍以阜茲郡庶郡庶阜則幽明通幽明通則祀宜誠矣然則廊廡之歆頽殿宇之鏤漏甯可漫不加意耶是必新以丹雘增以文采飾其儀衛隆其報賽人之有願神則遂之非是無以昭誠敬前牧李君蒞是郡者六載觀廟貌傾圮首倡此舉凡闔屬諸官吏與士民鋪商好善有誠者咸醵金而修葺之丁卯夏李牧攝廣平太守篆署牧隆君來是郡續倡捐而助其工復

恩命

簡授知府去及余牧涖斯土自慚薄德而庇身福民之見恆於神人幽明而加意焉今薄分廉俸董其成功並將關聖帝君殿宇修葺整飭巍巍焉改觀矣豈以媚神乎祇以敬神也僅以爰神乎欲以福民也云爾是為記

光緒八年

領土燭陽明額十年知州王啟俊倡捐重修

武成王廟在州城隍廟東武學街舊大僕寺行臺地明隆慶

五年立武學於縣治西北萬厯初總戚繼光改建於此修

殿廡如制萬厯四十八年巡撫劉曰梧增修國朝初裁武

學廟亦廢附祭武成王於明倫堂康熙三十三年州紳復建

於舊基殿三楹門三楹餘悉省乾隆五十八年知州傅修率

州紳重修同治十一年知州何崧泰重葺

劉猛將軍廟二

一在武學街武成王廟內東偏乾隆二十六年知州范廷

楷建五十八年知州傅修同治十一年知州何崧泰相繼

重修

一在明月山陰

火神廟在城內西北隅

龍王廟二

一在州城外東北隅烏龍泉側建年無考乾隆三十二年

知州修禮五十七年知州傅修嘉慶二十二年知州張家

本相繼重修重修碑記蓋之城東北隅舊有龍神廟建

分流環繞城郭自明氏嚴所無所考前有泉曰烏龍泉東西

巨石玲瓏聳峙其西有堂三楹後有洞曰螺洞以形名也

生觀泰路川使節所臨復加修葺顏其堂曰來泉并錄文

北極廟歲辛亥傅君復增建入蜡廟構僧舍三楹暨堂後

祀典如草亭樹松數十株易洗心亭為湛亭碑碣具在

圯象如地政通人而覽者莫不為之憮然會刺史浮山張君

以爲如余亟諾之捐俸百餘金俾鄉大夫明府張君德馨等

人踴躍興起相與鳩工庀材俾鄉大夫明府張君德馨等

司其事於春之二月召工仍其故基斧木以易之陶瓦以

覆之殿廡門堂黝堊丹漆復於來泉堂前構長廊十一間

外營荷花月池絙鐵以界烏龍泉之坎自西而南植柳三

百株垂條扶疏綠煙相幕越五月而工藏州之人請余書

其事於石余思是泉出滋液滲漉萬物以休嘉其有功於

民甚鉅頽垣廢宇非所以昭神貺也泉流淤塞非所以疏

地脈也。俎豆不陳，禋祀久廢。則又守茲土者之責也。今刺史既拓神宇，復舊址，丹雘畫棟，翼然巋然。視其植，則葱秀敷舒；視其畜，則溶漾紆餘。白石青林，波光雲影，上下交映。是豈徒水泉土石之適敷抑，豈草木林麓之觀敷將？使答神庥，迓嘉祉，出雲降雨，羣生涵濡於以湖文康之遺蹟而穆然於聖朝重熙累洽垂二百年，民物阜安，晏粲豐雍，靡有極也。豈不盛哉？是為記。
賜進士出身中憲大夫直隸分巡通永使者前提督福建學政翰林院編修歸安葉紹本

撰

咸豐八年知州何蘭馨捐葺光緒七年

詔頒雲飛應序額十二年知州陳以培復修

一在州西北十五里龍潭建年無考光緒五年重修七年

詔頒佐天育物額并

奏准列入祀典春秋致祭

詳事紀略

馬神廟二

一在遵化驛

一在石門驛

電神廟二

一在州西五里橋每歲五月五日致祭

一在州西六十五里出頭嶺每歲五月五日移由石門理

事通判致祭

土地祠在州署東南隅

獄神廟在州署西偏

山神廟郡北門外每遇州境有虎狼患知州爲文祭之輒應如響

海陽傳修祭山神文昔盛治之光昌也列服承流百神受職凡天鳥鸞獸狸蟲蠹物爲民厲者類有攻崇之法以潛驅默化之雖荒壤窮陬不逢不若矧我朝治隆前古寰寓休嘉而畿甸之近霑茂對之恩者哉遵化隸左輔其民尙醯醢無狃間獲利之習境環山多虎狼州之人戒勿攬其戾不爲冥氏攻窟穴跽風聽之耳茲乃肆爲暴當道攬人畜被虐者踵相告也修等既奉

天子命來撫是邦民人痛疾而或噢咻之亦安能顧此狼臙
任其膳決耶夫中孚之信感及豚魚昔者虎渡河鰐從滇治
行炳史策修等德不腆無以化暴誠有忝乎前人矣顧念此
敲靈鼓操毒矢強弓除厥醜類匪異人任而未遽出此者良
以聚而殲乖好生意亦恐以嶽瀆效靈之代而獨不能庇此
一方民貽明神羞神聰明正直而壹者也既爲

聖天子主此邦之山山中跋扈胥受治文明之畫魑魅之逢
神其盡傷之用代民籲乞於爾山神之靈禦乃災捍乃患俾
竅沸潛踪民登仁壽比戶頌神床於勿替也豈不休哉越章

四寸之佩鉛山五日之約此物此志耳尚饗
奉天白明義祭山神文蓋聞鼎成大禹魑魅鑄而足形圖衍

蒼姬虎豹驅而匿跡鳥獸爰歸於時若鳳凰時見其來遊用

徵人物之相安共荷乾坤之大化方今

聖人御宇庶績咸熙百神受職而効靈萬物並育而不害乃

聞郊野忽來當道之豺殘我黎民頗類負嵎之虎竟敢逢人

搏噬嗟赤子其何辜茲因入廟告虔爲蒼生而請命仰祈照

察特奮神威使彼潛藏伏處則山林有藪如其頑梗誅夷則

草木皆兵貪狼勿逞其野心封豕豈隨其薦食將見靈旂所

指狐妖莫肆憑城庶幾負耒而耕彤吹不驚比戶自省愆於

苛政常懷柳子厚之解捕蛇謹攄悃而升香敢擬韓昌黎之

文驅鱷尚希降鑒

惟冀來歆尚饗

樹神廟在州西五十里馬蘭峪道光十六年馬蘭鎮總兵容

照創建

容照撰碑記蓋惟東方蒼后之德母元冥而子祝融

地間統而名之曰樹然則為條為喬或翕或翬材雖不同所

謂樹者固無不凝承乎一神之運而又各神其神者也故樹

之公九烈桑之君子明槐顯音聲柏榮色相凡此靈蹟不可

殫言而况貫乎四時之中挺然萬木之表露文章有本心含

風霜具獨節所謂松年豈非蒼角之異氣青震之正神哉且

其幽闡堯山陽開舜野偃萬蓋而翼金庭護五雲而飛銀海

更宜形同龍虎隨千仗以朝天職比鬼神効百靈而用命抱

朴所云天陵之松與地等久文貞所謂閼宮之梓是神扶持

者歟惟是精雖祀於五緯祭未立夫專祠祀典闕如神將焉

庀予持節斯土顧茲歉焉乃商確於郎中李君後諮度於宗

室兩府爰捐鶴俸共起鳩工度地庀材構楹建宇制雖未極

其開闢神將永棲夫梁棟工箴之日爰厥靈焉顏曰樹神創

其始也自茲拜勤朔望祭則春秋俎豆用公餘無勞籌筆歲

時供洒掃不必村翁彼隆大夫之號或恐神羞指羅漢為名

亦歸仙叔惟此與時際會淨冰雪以寓聰明得地盤踞排雷

雨而扶正直所願雲殫香葉上有鳳鸞風濯鏐枝下無螻蟻

衛神屏於七百里萬古青濛騰佳氣於二十辰諸陵翠拱

相彼式憑用刊厥石且為迎享送神之曲其詞曰神之生兮

甲乙神之德兮峻極神之定兮凜然神之藹兮可挹石希希

兮瀏瀏山之窈兮神宅其幽雜哺蕤兮進神堂神之來兮

雲蓋張神出入兮載迴風神福我兮不我不我驅虎豹兮

噬齧餐毋使畚鍤兮人巖穴我報神兮以馳誠後之來兮永

相承每歲

東陵守護大臣致祭

蟲王廟在馬蘭峪西東口門外每歲

東陵守護大臣致祭

玉田縣

社稷壇在西北

風雲雷雨山川壇在城南

先農壇在東關外

厲壇在城北

關帝廟在南關建年無考

邑人王公濯撰碑記云今夫天地之大也古今之久而人生其中等

微芥耳過隙耳顧有德侔天地名垂古今而不朽者爲何如人其人而聖也聖如二帝三王周公孔子尙矣卽使百世下亦誰不服聖人之德遵聖人之教相引勿替耶然時有升降論聖者當又有辨蓋土古聖人不落名言秦漢以還務先氣